

**“Èske gen yon frè pou yo peye pou sèvis Entèvansyon Byen Bonè ((Early Intervention (EI)) yo?”**

Wi, kèk fanmi ap gen pou yo peye yon frè tou depann de kantite moun ki gen nan fanmi an ak revni fanmi an. Pati C nan Lwa pou Edikasyon Moun ki Enfim yo (Individuals with Disabilities Education Act (IDEA)) se lwa federal ki bay sèvis EI yo e ki pèmèt yo mande fanmi yo pou yo peye yon frè.

**“M te panse sèvis yo te gratis.”**

Pati C nan IDEA ekzize kèk nan aktivite Entèvansyon Byen Bonè (EI) yo gratis.

Pami aktivite sa yo genyen:

- **Jwenn Timoun nan** (aktivite pou yo jwenn timoun yo ki ka kalifye pou EI).
- **Evalyasyon ak egzamen** (pou detèmine si timoun nan kalifye pou EI).
- **Koòdone sèvis yo** (aktivite pou chache resous pou fanmi yo).
- Devlopman **Plan Sèvis Endividiyèl pou Fanmi yo (Individualized Family Service Plan (IFSP))** ak revizyon plan sa yo.
- **Dwa fanmi yo** (yo rele garanti nan prensip yo ak bagay ki fèt an bònédifòm).

**“Kijan m ap fè konnen si m ap gen pou m peye yon frè”**

Pwogram EI ap mande w pou w bay enfòmasyon sou kantite moun ki nan fanmi w, sou revni ak asirans ou lè w ap antre nan pwogram nan epi y ap mande enfòmasyon sa yo chak ane.

Apati kantite moun ki nan fanmi w ak revni fanmi w, pwogram EI a ap konpare enfòmasyon sa yo ak youn nan senk kantite lkategori frè sa yo ki depann de Gid sou Liy Povrete Federal la (Federal Poverty Income Guidelines (FPIG)).

**“E si m chwazi pou m pa bay enfòmasyon sou revni m oswa asirans lasante mwen?”**  
Fanmi yo gen dwa pou yo pa bay enfòmasyon sou revni yo oswa pa pèmèt pwogram nan voye bòdwo bay asirans lasante yo. Si w chwazi pou w pa bay enfòmasyon yo oswa ou pa pèmèt pwogram nan voye bòdwo bay asirans ou, y ap mete nan kategori k ap peye lajan ki pi wo a.

*W ap bezwen pou w bay nan EI k ap ba w sèvis la youn nan bagay sa yo kòm prèv revni w:*

- Dènye dokiman enpo sou revni w la oswa
- Dènye W2 w la (yo) ak/oswa 1099 ou a (yo) oswa
- De (2) dènye sous chèk youn apre lòt ou te resevwa yo
- Si okenn nan dokiman sa yo pa disponib, ou ka bay yon deklarasyon alekri sou salè w oswa revni w ki montre ki kantite lajan ak a ki entèval travay ou peye w (tankou chak semèn, chak mwa). Deklarasyon sa a dwe gen ladan 1 non, adrès, telefòn konpayi/travay la ak siyati sipèvizi/anplwaye depatman pèsonèl la.

**Enfòmasyon sa yo konfidansyèl. Nou pap bay okenn lòt pwogram yo (publik oswa prive) san w pa ba nou pèmisyon alekri. Men diferan kategori frè yo apati nivo revni fanmi an:**

**Kategori A:** Fanmi yo ki gen kantite moun ladan yo epi revni yo pi ba pase 300% FPIG a, ki gen yon timoun ki nan nenpòt asirans MassHealth oswa ki gen yon timoun ki pa pitit yo y ap bay swen, pa gen frè y ap peye.

**Kategori B:** Fanmi yo ki gen kantite moun ladan yo epi revni yo ant 301% ak 400% FPIG a, ap peye \$250 pa ane. Yon fanmi pap peye plis pase \$375 pa ane

**Kategori C:** Fanmi yo ki gen kantite moun ladan yo epi revni yo ant 401% ak 550% FPIG a, ap peye \$500 pa ane. Yon fanmi pap peye plis pase \$750 pa ane.

**Kategori D:** Fanmi yo, pou kantite moun yo gen ladan yo, revni yo ant 551% ak 750% FPIG a, ap peye \$900 pa ane. Yon fanmi pap peye plis pase \$1,350 pa ane.

**Kategori E:** Fanmi yo ki gen kantite moun ladan yo epi revni yo pi wo pase 750% FPIG a, ap peye \$1,500 pa ane. Yon fanmi pap peye plis pase \$2,250 pa ane.

**ENPÒTAN:** Frè sa yo se pa ane yo ye. Si pitit ou a kalifye pou 6 mwa, y ap voye bòdwo ba ou pou mwatye nan lajan an ki ap pou 6 premye mwa yo. Si pitit ou a kalifye ankò, y ap voye bòdwo ba ou pou lòt mwatye lajan an..

*“E si m ale oswa transfere nan yon lòt  
Pwogram Entèvansyon Byen Bonè?”  
W ap bezwen bay nouvo pwogram nan  
enfòmasyon sou kantite moun ki nan fanmi w,  
revni fanmi w ak asirans ou. Ou dwe di  
nouvo pwogram nan ou te deja peye lajan an.*

*Èske y ap ranbouse m lajan an si m deside  
kite pwogram EI a?  
Frè sa a pa ranbousab.*

**E si m pa ka gen mwayen pou m peye frè  
a?**

*Yo pa ka refize yon fanmi sèvis Entèvansyon  
Byen Bonè (EI) yo paske yo pa gen kapasite  
pou yo peye frè a. Ou ka rappli Fòm  
Demand Fanmi an pou L Pa Peye Frè a pou  
w mande pou yo fè yon eksepsyon pou ou pou  
w pa peye frè a. Yon fanmi ka mande pou yo  
fè yon eksepsyon pou li si depans medikal yo  
fè ak lajan nan pòch yo oswa pèt yo fè akoz  
yon dezas (tankou dife, inondasyon, toubiyon)  
nan douz (12) dènye mwa sa yo egal oswa  
depase 15% nan revni fanmi an anvan taks.  
DPH ap fè w konnen alekri yon fwa yo pran  
yon desizyon, abityèlman nan yon entèval 10  
jou nan kalandriye a.*

Yon fanmi ka mande pou yo rekalkile frè yo  
gen pou yo peye a nenpòt lè gen yon  
chanjman nan kantite moun ki nan fanmi an  
oswa nan revni fanmi an.

*Si yon fanmi gen plis pase 60 jou li pa peye,  
pwogram EI a ka sispann sèvis IFSP yo  
(tankou vizit lakay yo, gwoup pou timoun yo)  
jiskaske li peye lajan an.*

*“M te panse asirans mwen an t ap peye pou  
sèvis Entèvansyon Byen Bonè (EI) yo.”  
Kèk plan asirans lasante, tankou MassHealth,  
kouvri totalman sèvis Entèvansyon Byen  
Bonè yo, men kèk lòt asirans pa peye pou yo.  
Kolekte frè yo nesesè pou asire tout timoun ki  
kalifye yo gen aksè a sèvis yo.*

*“Ptit mwen an kalifye pou 6 mwa oswa pou piti  
pase sa. Èske y ap fè ajisteman nan frè yo?”*

Wi, y ap fè ajisteman nan frè yo si yo pa t ekri  
yon IFSP pou tout yon ane pou pitit ou a?

- Anwolman pou 0-3 mwa konplè – fanmi  
an ap peye 25% frè nan kategori 1 ye a.
- Anwolman pou 4-6 mwa konplè – fanmi  
an ap peye 50% frè nan kategori 1 ye a.
- Anwolman pou 7-9 mwa konplè – fanmi  
an ap peye 75% frè nan kategori 1 ye a.
- Anwolman pou 10-12 mwa konplè –  
fanmi an ap peye tout lajan an.

**Kesyon oswa Enkyetid?**

Direktè Pwogram nan nan pwogram Entèvansyon  
Byen Bonè (EI) w la dwe an mezi pou l reponn  
nenpòt kesyon ou genyen sou frè yo oswa sou  
sèvis Entèvansyon Byen Bonè yo.

Ou ka kontakte tou Mary Dennehy-Colorusso  
ki nan Depatman Lasante Piblik, Sèvis  
Entèvansyon Byen Bonè (EI) a, nan  
(978) 851-7261 oswa pou moun ki pa tandé  
byen yo (978) 851-0829.

Pwogram Entèvansyon Byen Bonè (EI) w la se:

# MASSACHUSETTS EARLY INTERVENTION FRÈ ANYÈL

**Massachusetts Department of  
Public Health**

(Division for Perinatal, Early Childhood,  
and Special Health Needs) Divizyon  
Perinatal, Prim Anfans ak Bezwen  
Lasante Espesyal

**250 Washington Street**  
5<sup>ème</sup> etaj (5<sup>th</sup> floor)  
Boston, MA 02108  
(617) 624-6060

Pou moun ki pa tandé byen (617) 624-  
5992

